

Hilberner - Rud

Rudenkirtag Sierning Faschingdienstag 17.2.2026



Da letzte Kirda woa ka Gaudi Akustik schlecht- sogt d'Luanga Traudi A lem laung is sie Stoiknecht Vom Saufuadan, heads scho schlecht Wir san bemüht, singan laut Dass uns versteht, die oide Haut Ihr Thomas wünschad si recht gern Dad er dahoam nur d'höfti hean	A Fuadahaundla vo Schiedlberg Kimd scho gscheid letz daher Ban Lostwogn fliaht ob und an Irgend a trum davaun Er söba hatscht daher ois wia Hod scho operierte Knia Lostwogn oda da Guschi Wer is do am mehran hi
Es erstroiht im neichn Glaunz Des Bauernhaus vom Strügi Fraunz Gmocht hädñs de Fassadn sche Des Grüst, des duad nu imma steh D'Rosmarie Fuxtäufiswüd Da Franz hod si ban Putz vazöd De ganze Gscheidheid nixe nutzt Wann ma zwoa Joah lang obaputzt	Da Hasi vom Blumenhof Führaschei weg, bsundas Doof Trunga hod er ned vü Vormittogs, scho zwoa Promü Da Hasi glei recht findig ist Hod ois chaffär, an Pensionist Da Stammgost, Hundsberger Bert Is jetzt sei neiches Kutscher Pferd
Da junge Hubert Strassmaier Kimd später zur Silvesterfeier Da Hubi woas nimma ganz Wo is des Haus - vom Luhamer Franz Augleidt hod des potschad Birschl Beim- Karl Heinz Göschl D'Karin mant, des oft passiert Das er si beim Loch verirrt	Nehman Lohndrusch, Sau und Ruam Foan Winterdienst, die Sturl Buam den Winter woas so a Ding Se san saufm, in Schladming Schneeschiem duad dann jo fralli Da pensionist sturl charly Da karl hod, is ned glogn Do Sicher mehr ois d'buama gschom
Da Bochmoa Wirt es kennts erm eh Mocht fü Gschäft seit eh und je Damit der Wohlstand ned ausbricht War im Dezember sWirtshaus dicht Hätten die Umsatzgrenze gsprengt Drum is Friteuse nimma grennt Sperrn nächsts Jahr im Oktober zua Wanns Schnitzel fressst im Summer gnua	Beim Jungwirt homs a Halle steh Mit Hoizwänd, wirklich wundersche Bis unters Doch,des is ned glogn Wern do die Hockschnitzel aufgschom Nur oans homs do ned bedocht Die Hoizwand wa fost ausikrocht Bei de Hockschnitzel wir im Lem Zerst audaucha dan überlegn
Da Lehner Sigi scho oft probiert Das mit der Jagdprüfung wos wird Er hod beim schießen dSchein ned troffen Am Vortag wahrscheinlich zweng gsoffn Oder warn schuad seine schen Hoar San eini kengt ins Zielfernrohr. Hod leider mit kopt kan Haargummi Nur an aus Latex für sein Stummi	A augfoans Reh war ganz verwirrt Am Hofer Parkplatz umhergeirrt Die Polizistin, ganz alleine Des Reh eigfangt mit ana Leine An Jaga haums dann glei herkoid Sois wieda zruck bringa in Woid Häds Reh gwisst das des so orennt Was glei vors nächste Auto grennt

Großauer Gabi, im ganzen Land Für ihr Styling schon bekannt Jedes Har und jede Strene Liegt bei ihr immer molto bene Am Erntedank, hom dLeid scho gred Warum dGabi mid -Huat fort geht Vielleicht ihr Johann s färm probiert Und ihre Mähne ruiniert	Da Freller Rudi woit hoam foan Doch kummt ned eini in sein Goam Die Seitenscheibm hod er eigschlong Damit er eini kimmt in Wogn Wias starten a ned funktioniert Da Rudi dan nachdengad wird Host du zwoa Schlüssel in der Jacke Kann des ausgeh richtig Kacke
Da Niedan Simon do aus Sierng Woit an Fuchs eliminiern Die Kugel einschlong, geht ned schlimmer Von de Großeltern im Schlafzimmer A Schuss der kann ja moi ogöhn Mechten koa Absicht unterstöhn Doch wüst du ein Vermögen erbm Miasn zers die Vorfahrn sterbm	Da Schaumi Franz vo d Müchibaun Muas si um Zahnersatz umschaun Hod sie auskaut glei zwoa Zänd Wahrscheinlich gegen a Faust wo grennt Pfeifa duads jetzt bei de Liada Drum brauchans Hüfe von de Riada Er jetzt in Goidtzähnd investiert Damit a Rapper aus erm wird
<i>In Hüban gibt's wirklich ois – Sonnenstrom – Mindestlohn Bauernbund und Krüppihund – findst bei uns ah In Hüban gibt's wirklich ois – Gartenbau – Samenstau Fleckviehrind und Kuckuckskind – findst bei uns ah</i>	